

光緒扶溝縣志卷之三

知縣熊 燦纂修

河渠志

惠民河 馬家河

雙泊河 七里河

蔡河 半截河

二河

三河

太溝河 溝渠湖陂諸河故道附後

利莫大於水也害亦莫大於水降災自天捍患須人昔程明道莅此以經畫溝洫未及興工而去為憾扶為澤國久矣綢繆未雨當與吾民共圖利之志河渠

惠民河

惠民河又名賈魯河一名小黃河發源於滎陽五龍口萃於鄭州京水湖逕白沙陂朱仙鎮由縣北四十五里白家潭入境南

扶溝縣志

卷之三

惠民河

一

逕岳家橋又南逕董家橋又東南逕呂家潭至韓家橋與雙泊河合流南逕陸家橋宋家橋焦家橋周家橋至縣東南三十五里晉家橋出境入西華界至周家口入沙河下達淮安江南周家口商貨皆由此通汴初惠民河至呂家潭入蔡河故道東南直達西華係元賈魯奏准濬築故名賈魯河後蔡河湮淤汜濫為患明成化中知縣李增自呂家潭南張單口另疏新河迤邐西南至縣東北五里張會橋與雙泊合流 國朝乾隆二十一年奉 旨發帑修築隄岸二十六年黃河溢於楊橋境內河渠潰決奏准勸用民力修補完固年久河身淤淺五十年奏請挑

濟嘉慶十八年復奏請挑濬自鄭州徐莊起下及本境河身淤
淺五十年奏請挑濬嘉慶十八年復奏請挑濬自鄭州徐莊起
下及本境河身一律通暢費帑金三十餘萬二十四年黃河由
上南廳漫溢境內隄埝冲决知縣王德瑛勸力修補光緒十三
年黃河决於鄭州石橋境內大水河身又淤奉 旨發帑修築

至今爲患猶未已也 河在境內者長一百里

攷惠民河自光緒六年後决溢之患無歲無之前令孟憲璋
會勸民修隄以資防堵然歲久傾圮患仍隨之近因定議歲
修章程令民間隨時修葺增高積厚以紓目前之患
王德瑛陸橋隄工記
歲嘉慶己卯八月初旬黃水由上南廳漫溢境內各河隄埝
冲决無算賈魯河陸橋橋上平梁張陳四姓决口尤甚隄陷

扶溝縣志 卷之三 二

計九十餘丈水勢平落後尙寬四十六丈惟時馬營大工費
帑以千萬計河南北岸要工林立大吏日切憂勞雅不欲以
此區區者重煩憲慮因將各决口逐加查勘督飭附近紳民
幫修完整陸橋一工計派下游各地方所出夫工料物約值
錢二千餘緡於九月十四日開工竭半月之力堵開斷流當
水勢橫溢時分河流十之六浩浩湯湯望東南若銀漢之輝
天父老深以不得種麥爲憂堵閉後立即消滅望若匹練漸
且如帶如線不二日已全涸復惟隄根澄然一紐而已又五
日而種麥完竣矣向之爲此事者差役四出號樹催夫民不
堪其苦余爲公平攤派親身驗收於是輸將者恐後需塗者
忘勞即續派協濟之上游各地方亦一呼即至蓋民情固大
可見也善後土功不願重累吾民自捐錢三百一十千襄事
者典史張永瑞府知事職杜寶琳監生聶言亮也
又河隄說

賈魯河險隄爭控不絕欲使無訟一在清其源一在杜其弊
凡有險隄對岸之灘地必寬而地主又於灘嘴種葦栽柳則
水勢愈趨險隄之下隄至年年幫隄而對岸年年墾地灘地
有種至數十畝一片者險隄之患伊於胡底今酌定章程飭

以葦柳護隄不准以之佔灘約以河內離隄身三丈不得種葦栽柳此所謂清其源也又民間恐受險隄之累每有假設文約或倒幫錢支諉卸於孤貧無賴之人今酌定章程凡險隄詞訟實係逃亡無主之隄酌令附近居民幫修若富戶買從貧戶責成現在管業之人其貧戶別無地畝而新買自富戶之手顯係弊脫仍著落原業主專修此所謂杜其弊也

雙泊河

雙泊河卽溱洧合流溱居北洧居南溱水源出鷄洛鳩洧水源出陽城山皆密縣之境東流至超化寺合而爲一遂名雙泊逕新鄭長葛洧川鄆陵由孟亭入境下至縣東北張會橋南達西華今賈魯河道明正德七年壬申洧川栗家口決故道遂湮橫潰旁徙邑北被害特甚嘉靖初鄆扶之民詣闕陳情奉部劄疏河自

扶溝縣志 卷之三 雙泊河

三

丁家橋入境由縣城東北一里許轉折南下卽今二河至王賴店出

境逕紅花集黃土橋卽今桃花橋會渚河入沙河十三年復壅淤四

十年知縣林朝卿議開疏而憚功之難就取捷徑由韓家橋以

入惠民河惠民河淺狹不任衆流之匯猶賴蔡河分洩而被西

華堵塞萬曆三十三年知縣全良範復疏嘉靖初故道以分水

勢至境上又爲華人所阻乃由周家寨後東入惠民河後河身

淤淺漫溢爲害復由韓家橋在張會橋南入惠民河而故道遂廢

雙泊水濁淤地能變磽爲肥俗有肥河之稱故兩岸多不修隄捻然所淤者僅三五里以內過此則淹浸爲害矣又每歲旱附河居民閉流引水以灌田不惟不利商舟一值夏秋河流暴漲往往從所引之處漫衍而出貪一時之利以殃民

與商盜扒之罪不可不嚴懲也

杜孟乾邑人

改修雙泊河碑
乾嘗履鄭之遺墟顧瞻溱洧浩然興歎曰代易時移二水攸
同名雙泊者尚無恙乎粵之明興雙泊由孟亭逶迤而南東
入於小黃河鮮及汜濫乃正德壬申地道弗貞於下變盈流
謙自洧川粟家口决而孟亭之故道湮淤矣於是南緒既涸
匪於鄆溢於我扶之里村曹臺若晉岡龍窩坡漫衍支離一
望無際禾黍之場魚鱉矣民用阻饑越十五年是為嘉靖丁
亥鄆扶之父老始相率詣闕門陳狀而扶父老又相率詣撫
院陳之爰有今河大抵就坡之最窪者導之入扶由老鶴嘴
稍北經東晉岡轉折南下東逾古城達於史家湖而董斯役
者典史陳君輅也訖於庚寅底定民乃粒食無何古城東復
湮淤自古城反折而北東入於河夏秋之交霖潦暴集下逆
上遏奔潰四出比向之為患益甚嗚呼到今垂三十年餘中
間來仕者非無才賢英雋之士率以瑣細未遑或委之兵僅
疫癘簿書而漫不加之意者又屢屢也嘉靖己未冬林公來
尹我扶下車首詢民瘼之重且大者愈日瘼莫大於水水莫
大於逆行能易之者惠莫加焉公輒欲奮舉明年會巨寇又

扶溝縣志 卷之三 雙泊河

四

明年辛酉乃力請於上者三始獲命焉欣然集扶之士若民
論之曰是役也其所關上下者不細能用吾命者乃克舉僉
曰爾不惟命允若曰民之瘠肥不一惟爾優復乃克舉僉曰
俞乃諏日率士民躬詣水次沿故渠上下者久之曰引而南
固也厥工大且艱歲聿莫矣盍東之之易庸力乎遂相度縣
延千三百步有奇闊二十步深十之二計畝輸徒徒二千丁
里分督總各遷其尤什伍相比大小相維役事方殷頌者謂
三才協吉云者蓋時維仲冬風日恆煥使雪霰交零堅冰裂
地予來之民將安所施是謂得天故渠沃壤因卑就濕使崇
岡大阜凸凹巉嶮畚鍤如雲將奚措之是謂得地朝令夕集
不戒以孚使豪者賄蠲猾者潛匿時盈時縮追呼者罷矣是
謂得人我公且布恩昭義懲惰獎勤時時出督省之甫匝月
而告成沛然東逝襟帶環繞足以禦患蓄固風氣壯一邑之
偉觀矣僉議伐石為碑樹之雙泊之澗以紀其績杜子曰嗟
夫扶非汴南之劇邑哉茲茲土者往往鶯遷鳳舉非無才賢
英雋如公也而竟弗屑於斯役者所識之不同耳使公復委
之兵僅疫癘簿書因循如故也民何賴焉孟子曰雞鳴而起
孳孳為善者舜之徒也我公導逆為順易危而安非禹之徒

與公諱朝卿號三箱荊州府籍浮梁人
改修雙洎河辨

溫玉如邑人

余聞之父老東關外舊有洪馮二公生祠題其額曰萬世永賴蓋由萬曆間全良範濬河時二公主持其事故也攷何職方年譜云雙洎逆流失故道已七十餘年萬曆三十二年改疏雙洎明年四月告成決壅放水沛然南下勢若建瓴老穉懽聲若雷初當經營之始齟齬者半而西華又百計阻之洪公力排眾議復得府守馮公主持於上此千載一時也觀此則此次疏河並無至境上為華人所阻之說並無由周家寨入惠民之說若由周家寨入惠民則與由韓家橋入惠民相去僅三十里耳在韓家橋入惠民而惠民不能容與在周家寨入惠民而惠民不能容一也何得謂千載一時乎攷是時知縣適為全良範豈洪馮已有生祠全公猶為未竟厥功乎此必疏河為一時東入惠民為一時舊志不察遂以未竟厥功咎之非獨為全公惜也吾恐後世之父母吾扶者皆將鑒於全公而不敢復為疏河之舉也附志以俟考證

蔡河

扶溝縣志

卷之三

雙洎河

五

蔡河通志及開封府志所載兼閔水洧水潁水以通舟楫者也
閔水自尉氏北流至汴由廣利水門入名西蔡繚繞城內由普濟水門出逕通許以南接舊蔡河謂之東蔡即惠民河故道洧水自許田鄆陵至扶溝合於蔡潁水自鄭之大隗山注潁潁歷鄆陵扶溝合於蔡建隆三年詔發畿甸丁夫數萬濬蔡河南入潁川再攷水經沙水南逕扶溝故城東南逕大扶城渦水於是出焉蓋沙蔡本一水沙從水從少謂蔡河水淺故又名沙緣黃河南徙潰流奔決始湮其故道至今現存不可掩沒者張單口迤南是已張單口華人議堵自明已然 國朝雍正三年重復

梅訟初欲立壩繼又立關生員盧宸等爭控累年至雍正十三年開封府陳州府會議定於張單口改開爲壩自河底量起河深八尺建壩四尺扶溝不許減少西華不許增添河水漲發仍於壩上暢流在扶固無奔潰之虞而西華得此攔截亦可少緩其勢仍合西民將下流淤塞挑挖深通俾水得安瀾而入沙河實兩邑之大利也兩邑士民各具遵依其訟遂息

玉海惠民河與蔡河一水卽閔河也建隆元年四月浚蔡河設斗門二年正月浚蔡渠命右將軍陳承昭督其役導閔水與蔡水合以通淮右之漕舟楫俾至都人利之於是以前西南爲閔河東南爲蔡河乾德二年二月鑿渠自長社引淇水至京師合閔水渠成民無水患閔河之漕益通開寶六年三月壬午改閔河爲惠民河按天下都國利病書蔡河故道始兼

扶溝縣志

卷之三

蔡河

六

閔水自尉氏厯祥符合於蔡爲惠民河又兼滎川自許田鄆陵扶溝合於蔡水自鄭之大隗山注臨潁厯鄆陵扶溝合於蔡凡許鄭諸水悉會植木橫棧及設斗門以爲節其自尉氏北流至汴城入戴樓廣利門名西蔡河唐於此置臨蔡關俱久廢其出陳州普濟門流經通許接舊蔡河名東蔡河又經扶溝陳州蔡河口入沙河以通蔡陳汝潁漕運屢經黃河南徙淤爲平地洪武二十四年冬十一月蔡河徙入陳州何出光水患圖說

扶溝五河交灌其最著於古者曰蔡河上自朱仙鎮下自西華以入於沙河者也次日漆洧上自新鄭厯鄆陵遂抵於扶溝者也鄆陵野水舊皆注於漆洧之中一旦淤塞故道溷爲三十六坡皆隣於扶幸有秦家岡者居扶之境上以障蔽之鄆人不思疏濬漆洧而直欲創鑿此岡以洩水水一洩而扶沼矣幸賴二三明府察其奸而厲禁之得免陷溺不意蔡河下流至西華境上者又淤塞而不得入沙河夫疏通之不出十里而卽入故道爲安流矣乃西華人又不思所以疏濬而直欲杜塞蔡河以嫁禍於扶溝初起許訟者猶在鯉魚灘爲華扶境上其計最拙而無救於濶濬之勢昨乃憑藉有力者

以凌轢乎扶人輦石負土入扶境之內三十里而來杜河於張單口此河一塞而扶之民其魚矣夫蔡入扶之境浸淫而溢抵於張單口之北者匯為呂家潭湧澗決奔勢若滔天然而非一蔡河之水也上流有大溝河小黃河雙泊河白沙河總匯為潭而獨賴蔡河以洩之頻年以來稍稍泛漲輒旁午潰出不得已而新請蕙民河分支流入於溱浦以殺蔡河之勢然眾水所聚而扶處其下勢若建瓴一旦杜塞蔡河則惠民河勢不能容必且暴激水勢以灌注於扶城郭廬墓蕩然一空扶何不幸而遭此毒手乎夫此蔡河也其來久矣岳武穆屯兵朱仙鎮而夾蔡河為陣者蔡河之上流也羅敷謝金以死而委身河流者蔡河之下流也千百之古河未聞有議塞者乃西華掘之曰此張單口也獨不見兩岸之樹大可合抱羅敷之祠枕於河洲此豈一時所可致哉華人雖甚強有力何至戕人命脈殺萬家以自快也哀我扶民並履王土鄙人夾上流華人杜下流直欲以扶為壑而不思此罔此河皆天造地設千萬年之古跡而一旦逞自圭之智咸盡水而禍萬家之邑臣請先父老而蹈東海耳不忍見城郭墳墓為強隣悍吏所魚肉也哀鳴激切刺刺不已所具一言不實以

扶溝縣志 卷之三 蔡河

誣鄰民者有如此河
屠又良說

按張單口本蔡河故道也其源有大溝河小黃河雙泊河白沙河自鄭州京水湖逕朱仙鎮至扶溝之呂家潭入蔡河達西華境二十餘里流入沙河蓋扶邑勢處窪下眾水所匯而俱洩於此其地形高下瞭如指掌宜疏而不宜塞斷斷無疑矣疏則俱利而可久塞則苟且目前而俱害又斷斷無疑矣余閱邑乘所載水患不一而足西華隣扶而處其下流於是議塞張單口以為自全之計紛爭聚訟迄無已時康熙十五年華人復訟之上臺因藉口於莫可考據之碑辭志在必塞勢若仇讎於是大中丞佟公命郡伯張公親往履勘張公既以原有小黃河及惠民河以洩水勢情形申覆而復命余細勘余輒詣河干召里中父老訊蔡河故道自張單口至李家莊兩岸俱有堤河深丈餘及陳家店張家莊羅敷廟蔡河橋柏子岡皆然自柏子岡至賈家莊南河深七尺又南至丁岡橋止深三尺餘自此至西華界二十里於聚成平壤矣然地形微窪其故道隱然猶存此非宜疏不宜塞者乎華人則曰我朝順年河決費金錢何翅百萬祇聞塞之不聞疏之也噫

此又不達之甚矣夫治河而塞之者以其橫流旁溢不循正道故遏其衝潰而使之由地中行此宜塞而塞塞即為疏非謂堰閘上游禁其由高就下之勢使不得去也若以華人塞張單口之意推之治河是將埋底柱壅龍門而令不得入海耶不待智者而知其必不然矣自余計之張單口至華界五十餘里所當大加疏濬者十二里其餘稍施畚鍤足矣若自華界思犢岡至華城北入惠民河不過十八里再達周家口直入沙河為力尤易扶人皆願竭力為之使華人同心亦疏其境內之道是各任其勞而實共享其利不愈於興無益之役構無已之訟者乎余故按之地勢合之民情請諸上臺上臺亦深以為然顧念東南用兵百姓方困於饑饉時詘舉羸有所不忍故且權宜止息今禍亂漸平閭里得稍息肩休養數年民氣當足欲為兩邑規百世之利舍此無由則與西華同請上臺報可而行一勞永逸此在後之吏茲土者也抑余又有說焉考志中東北有白沙湖西北有馬家湖西南有翟家湖今皆不可得其處詢之士人皆曰不知大約歲久漸湮變為田矣不知古人體國經野其因勢利導俱有良法深意存焉不然茲爾扶邑既有諸湖何耶余待罪六年

扶溝縣志

卷之三

蔡河

八

兩罹沉菑而今年尤甚昨出城看水自北石橋抵呂家潭延袤二十里間村舍如鳧舟行黍杪極目無際內痛於心使蔡河既通三湖如故寔復若此耶嗟乎居今復古不笑為迂闊則罪以喜功然而利害歷然東思春煦曷念茂陰不能不撫卷竊歎也邑有君子為桑梓計其又何以教我乎

二河

二河雙洎河本由今高八橋下張會橋南流正德七年河淤嘉靖初奉部劄疏之改由今石橋下南流逕王穎店東以入西華之道即二河也自林朝卿改雙洎而二河廢至全良範復疏故

道南至周家寨

任縣東南去城二十八里

後入惠民而二河復後復由韓家

橋徑入惠民

此大時日無可攷

而二河乃終廢舊有宏濟橋

在陸家久

廢橋南故道今尙爲坡水所歸云

王德瑛說

治水者必順水之性不順其性糜費而無功惠泊自古分流後因蔡河堙淤明成化中知縣李增自張單口西南改至張會橋入雙泊合流蓋挑濬蔡河之費甚鉅不如關張單口以南不十里之工之爲便也正德七年雙泊亦淤嘉靖初奉部劄疏之由丁家橋入境至城東北一里許轉折南下卽今所謂二河蓋挑濬雙泊故道之費又甚鉅不如因汎濫之水勢而疏之之爲便也未幾石橋以下復淤知縣林朝卿導至韓家橋入惠民河蓋挑濬二河之費又甚鉅不如關韓家橋以上二里之工之爲便也凡皆順水之性也萬厯年間知縣全良範欲復嘉靖初故道塞已成之工挑數十里久淤之士違水之性是以未竟厥功雖然全公之爲此豈無所爲而顛預從事也乎惠民源出鄭州雙泊源出密縣大河以南新鄭禹州以北東北二百里東西數百里之水俱注於二水而皆由韓家橋宣洩南下惠泊之勢日合而扶溝之勢日危舊志謂疏雙泊會濬入沙爲萬世之利全公之疏濬二河其意固有

扶溝縣志

卷之三

二河

九

在耳嘉靖初疏雙泊至二河口轉折南下其地去韓家橋僅二里所以不卽導向東流者意亦然也雙泊水由二河下至周寨北復入賈魯河夫豈不知會濬入沙則西扶兩邑之水患永除渚在西境我不得越俎而問之也他日泊水得與賈魯河分流徑會濬水以入沙則兩邑永無水患矣或以兩水雖合近年亦無水患不知此挑濬通暢之效稍有淤塞則古人之言皆驗矣

三河

三河在二河西受城西北一帶坡水並雙泊河溢水流逕北關東關城濠匯縣治一城之水由紫萊橋南流逕陳賈村東埕路至王賴店出境下至西華趙河口入賈魯河俗緣二河之稱名曰三河溝近年屢被黃水冲盪深七八尺廣十餘丈不等每值

霖雨賴以洩水議者欲導雙泊於此爲西扶兩邑開百世之利
曷勝尸祝

太溝河

太溝河在縣西北五十里在白潭西源出洧川岳寨陂東流逕

尉氏由韓寺營入境至紅石橋逆流入惠民河計長四里惠民河水

盛漲不得入則南溢入黃家河及迤南大泓自陳家集以南並

永昌地方馬家集諸村落盡被其災蓋上游娘娘廟諸坡水來

源甚多且遠一逢霖雨建瓴而下南北數十里皆乘舟往來勢

幾與惠民河等

扶溝縣志 卷之三 三河太溝河

王德瑛說

太溝河自韓寺營村迤西入境至紅石橋入賈魯河僅四里
有奇其在尉氏境內蜿蜒可百里也賈魯河淤淺太溝水不
得入則南溢入黃家河達馬家河至高八橋下入賈魯河亦
蜿蜒四十餘里中間匯洪義溝水雙泊漫水浸淫民田爲害
甚大自嘉慶十八年賈魯河挑濬後太溝河水流入迅速南
溢之患稍減而河隄單薄往往潰決南流仍匯洪義溝水入
馬家河而韓寺營永昌曹里老鴉林四地方皆無秋矣道光
庚寅余從監生尹鳳來等之請派夫挑濬於南岸開寬三丈
取河土培隄隄高峻如阜紅石橋上下亦開寬丈餘詳察形
勢水之南溢愈熾隄之潰決永除矣雖然尉氏境內隄一有
潰決仍爲韓寺營地方患也且太溝河南岸尉氏三十餘陂
水盡入太溝河因河身淤淺難容汎濫東行河隄無恙而韓
寺等四地方爲澤國矣此非將尉氏境內河身一律開寬二
三丈並將三十餘陂水
條引入歸河不可也

馬家河

馬家河在縣西北四十里上游又名黃家河俗名橫河尉氏太溝河

入黃家河斜行東南至馬家集後至此名馬家河俗名馬大河歷劉家橋過

邵家口會雙洎故道達高八橋東歸惠民河兼受洪義溝水雙

洎溢水及上游諸坡水約長四十餘里

七里河

七里河縣西北十里自洧川南席陂逕鄆陵入境與雙洎故道

接連故鄆志指為雙洎支流至縣北更連太溝溢水漫為一陂

半截河

半截河縣西北五十餘里與尉氏接壤受祥符通許尉氏之陂

扶溝縣志 卷之三

馬家河 七里河

十一

水以歸賈魯河地勢北高南下河之東岸有隄一道計長六里

在扶者僅里許在尉者四里餘河隄衝决即順隄南下扶邑王

墓王村等十一地方盡被其害雍正二年監生郝作霖舉人陳

大賢等屢次控告而尉人白欽若等阻撓之雍正八年署開封

府劉批令各疏各境挑濬河身高築隄岸取結存案乾隆二十

一年舉人郝廷松等以隄岸連被决口尉民並不歲修且將舊

隄漸次平毀呈請催修知縣七十一據呈詳報經開陳兩府親

臨勘議總由地勢尉高扶下河身叢葦阻塞河口淤淺每經夏

秋雨水漫溢在尉地則過而不留在扶地則積而不散兩邑民

人各持一見評訟不已請將河中荻葦阻水之處盡行芟除其
扶尉各淤淺河身責令各按疆界挑挖深通直達於賈魯河舊
有之隄以現在六尺高爲率加築堅厚自王三橋至劉家橋計
長六里現在無隄應請築隄一道呈詳本道而尉民谷玉衡等
以接築新隄孫留岡之水絕無出路具控本道撫飭再勘乾隆
二十六年知縣董豐垣會同尉氏縣陳在璣赴河履勘自扶邑
合河嘴起至尉邑之毛家橋白家橋王三橋共長六里隄高四
五六尺不等河身俱屬淤淺亟宜堵濬其河隄尉扶協同修築
河身各疏各境會稟本道暨開陳兩府在案嘉慶二十四年黃
扶溝縣志

卷之三

半截河

三

水漫溢河隄冲决三處各數丈至十數丈不等尉民間將修築
恐違舊案加高闕然擾動知縣王德瑛移會尉氏縣汪景焯會
勘督修悉照舊隄寬高道光二十三年舊道淤塞後屢經黃流
田毛家橋東南復冲一溝寬二三里不等下入惠民河每年夏
秋祥尉通三邑坡水依然下洩爲患幸下無壅塞不至大爲泛
濫

雍正八年署開封府劉批

兩邑各修各境挑濬深通高築隄岸鄰河地王歲修堅固務
使永遠有益並取各地王保固甘結存案

乾隆二十二年開陳兩府會勘文

勘得半截河一道上受祥符通許尉氏三邑陂水引歸賈魯
河地勢北高南下自孫留莊以上五六里以下六七里西北

屬尉地勢甚高東南屬扶地勢頗低河之東岸原有舊隄一道自扶溝合河嘴至扶尉交界地方約長二里半又北至尉氏之毛家橋約長一里半其隄皆高六七尺不等又北至白家橋約長二里隄高五六尺不等內有白家橋南隄身單薄約長一里又北至王三橋約長四里隄高一二四尺不等內王三橋南一帶河中有一荻葦間段淤阻又自王三橋至孫留橋馬家橋劉家橋約長六里現在無隄河中俱有荻葦間段淤阻每經夏秋大雨陂水滾瀉一時宣洩不及勢必溢岸漫散在尉地之水過而不留在扶地之水積而不散故兩邑人民互相訐訟若不為萬全之策愈滋爭控之繁應請將白家橋至劉家橋河中荻葦阻水之處盡行芟除其尉扶各淤淺河身責令鄉民各按地頭疆界撥夫加挑寬一丈五尺深五尺務期深通暢流俾水直達賈魯河勿致壅溢為害東隄自白家橋至王三橋一帶殘缺卑薄之處應以現在六尺高為率一律加築堅厚其自王三橋至劉家橋現在無隄之處地勢已高河身又復淤墊一遇水大每從此處漫入扶境王墓十一地方淹沒田禾扶民以此為害應請自王三橋北至劉家橋約長六里築隄一道高四尺底寬八尺面寬二尺以資

收束查該處均係尉民之地築隄之處所佔民田歲計納糧若干應令扶邑被患各村民均攤償還所有築隄夫工查尉邑近隄地畝較少而扶邑築隄之後受益之地畝較多應令扶邑出夫三分之一尉民出夫三分之一但恐兩邑人民各懷私見未能協力施工反致稽延時日應請將扶民應撥夫工按地派令各出工價交尉民雇夫起築以免臨時周折如此設法則尉邑之水既可收束歸河不致壅塞為害而扶境亦資其保障可免漫溢之虞兩邑人民均受其益而訟端息矣

本道批

所議甚為妥協惟詳內所稱扶邑應撥工夫按地出價交尉民雇夫起築雖亦見周到但疏河建隄於河之東南居民有益只可令扶民及尉民之在東南者按地出夫似不必拘定分數扶民派價交入尉民之手或疏濬修築不能如式及有借端浸漁之事又足以滋扶民之口似不如扶民尉民按照地畝應出夫工分段挑築既可免派累之擾亦可免後來爭端該府等再悉心妥議會詳另覆以便移司會奪又批尉民各玉衡呈詞

王三橋東岸接築土堰將西北一帶散漫之水約束歸入半截河則扶地村莊既免下注之患即孫留岡一帶高坡亦無橫流倒灌之虞至孫留岡隄西坡水仍可由隄外向南流入扶境中間並無阻隔何得絕無出路曉曉俱控但水利不厭精詳仰開封府會同陳州府再加查議併案妥詳以憑核移會轉倘有阻撓情事並加詳究

乾隆二十六年尉扶兩縣會勘文

勘得半截河地勢北高南下自扶邑合河嘴至尉邑王三橋有舊隄一道高四五六尺不等內有毛家橋白家橋白家埠口决口三處計長八十丈其中各河身亦間段淤塞扶邑合河嘴久屬淺阻卑職等公同酌議除王三橋北至劉家橋向日無隄無庸置議外其毛家橋白家埠口决口最關緊要即應乘時堵築以資防禦至於淤塞河身俱應各按地界挑挖深通使半截河一律暢流盡歸於賈魯河卑職等正在辦理間三月初八日蒙開軍廳檄知經臨查勘卑職等即於初九日追隨履勘隨蒙面諭以半截河東岸所築舊隄扶邑受益較多應協同修築其河身各按地頭疏濬深通卑職在職隨查丈毛家橋决口計長三十一丈五尺白家橋决口

扶溝縣志

卷之三

半截河

古

計長二十二丈五尺白家埠口决口計長二十六丈均應修築頂寬八尺底寬二丈高四尺卑職在職撥夫承修白家橋决口及白家埠口决口十七丈五尺卑職豐垣撥夫承修毛家橋决口及白家埠口决口八丈五尺業經關會修築在案現已告竣至合河嘴河身現在有水難以施工應候水勢稍涸卑職豐垣督率挑濬容俟工竣另行稟報再前奉憲批如應留口宣洩田間之水亦即議建涵洞等因卑職在職查半截河東二里餘有杜柏岡李家岡二道層層環抱以資宣洩似可無庸添建涵洞合併聲明

大浪溝在縣西南上通鄆陵小北關水南逕屈岡之東相傳明道先生合扶時開鑿以洩西南水患者也乾隆間知縣七十一

濬嘉慶十八年知縣江心筠因歲旱捐銀千餘兩督民濬築光

緒七年知縣孟憲章督濬寬深倍昔約寬三丈深丈餘不等十六年燦又

督飭上下居民協力疏濬洩水甚利民稱快焉

按鄢陵小北關有岡一道發脈嵩少鄢之縣治在岡之南是鄢之祖山也再東至扶扶居岡之中是扶之來龍也况岡北汪家坡一帶之水不得驟洩於岡南者全賴此岡為捍禦鄢人有蘇炳者貪利岡北膏腴之田遂誘扶民硬鑿此岡俾鄢陵東南一帶居民並扶溝西南數地方之土田廬舍盡委洪波且下達西華界而史家湖數千頃良田竟成瀦水之區扶溝生員翟鶴鳴鄢陵生員周復且等控告三年蒙開封府孫管河道王勘詳撫部院堵塞結案雍正八年鄢人張擴四又復扒鑿扶邑左如松等爭之不得直而此岡竟開矣迄今三十年來愈衝愈深開愈大昔為巍然之陵阜今成淵然之澗谷扶固受害鄢亦何利而地脈之傷殘形勢家見之又未嘗不歎息痛恨於作俑之始也鄢人雖追悔之亦復何及哉按此係指大浪溝上游而言相傳明道先生開鑿指下游而言也

大浪溝建開記
大浪溝自李集地方入境上由鄢邑汜羅江溝水漫淹鄢扶

扶溝縣志 卷之三 溝

三

兩邑為患屢次興訟經知縣孟憲璋修迎水壩一道以防水溢光緒十六年溝水漲發被鄢邑奸民竊扒邑西南數地方盡受水患紳民赴本縣控告熊邑侯會鄢陵縣知縣汪親詣勘明議準扶民在周營許埠口建開視水之大小為啟閉民胥賴焉開告成鄢陵縣知縣汪同本縣熊邑侯立條規三章刻石存李集地方以便遵行

大浪溝建開條規

一甌石關一座係扶民借地修築將來溝水漲發之時由扶民前來保護開口被水冲刷損壞仍許扶民修補如有奸人故行折毀由周營鄉地送究若失誤覺察被人損毀即責成周

營鄉地賠修

一河水大坡水小即上關以防河水出坡水大河水小即開關

以放坡水入凡閘板之啟閉收儲均由扶民覓人經理酌給費用

一閘板被水浸爛由扶民修造如在閘口被人竊去該周營鄉地賠補如在收存之家損傷遺失卽由收存之人賠修

三浪溝一名小水溝在大浪溝西四里許起於邑西塔灣村曲折而南下達護陵陂與大浪溝同由立岡村左右入西華境探廣亦與大浪溝等

攷同治間大濬兩溝河身大浪溝由中寺岡起下至西境計長七千八百七十三丈六尺二浪溝由塔灣村西南起下至西境計長六千五百三十一丈近年屢經疏濬尙屬通暢此邑西南之水最關要害者也

扶溝縣志

卷之三

溝

六

盧義溝在邑西北自黃甫岡開後鄆水入境分流入盧義溝東逕王家坡天井岡後迤逦東北逕北關外折入紫來橋

洪義溝在縣西北西接羅王陂以洩秦家岡口之水者也故道由西馮家村北東北入永昌地方至馬家集後入馬家河後淤同治間知縣楊恩銘改疏迤東由於莊後蓮花池前入馬家河約長八里近又淤塞秦家岡水既不得入遂東南踰雙泊故道漫衍爲巨患矣

任家溝在縣西北十五里上通馬家湖下至任家莊東南入雙泊故道

李田溝自陳樓地方李田村起下至宋寨地方劉莊東鹽廠入
太康清水河長二十六里寬一丈二三尺深五六尺不等乾隆
十四年知縣馬伯輅奉文開挖道光八年知縣王德瑛從廩生
劉士榮之請督飭挑浚

廩生劉士榮等照抄碑文巡撫鄂批云李田村被水之處據
委員勘得該村地勢三面俱高向南有溝一道下接周塢因
而相爭執未開引溝是以積水爲害今議於向南舊溝微窪
之處開挖引溝入周塢之東溝俾該村積水由溝下行歸於
清水大河等因並蒙布政司傅按察司秦守道金管河道沈
陳州府馮各批牌畧同乾隆十五年立石

關上溝上通通許標臺地方自江村東三里橋起下至大岡地
方窪劉莊南毛家窪流入太康縣清水河長十八里寬一丈二

扶溝縣志

卷之三

溝

七

三尺深四五尺不等乾隆十九年知縣徐步蟾會同通許知縣
吳昌國勘詳開挖道光十年知縣王德瑛督飭挑浚

馮陵溝上受祥符通許官路溝水自馮陵莊起下至集李岡東
入關上溝長十里寬一丈二三尺深二三尺不等乾隆十六年
知縣馬伯輅詳請開挖道光十年知縣王德瑛督飭挑浚

翟家湖邑西南十八里翟家樓大浪溝東北里許

馬家湖在縣西曹臺卽小井陂

會岡湖舊通漕運故名在東北三十里

白沙湖水入惠民河在東北二十五里

羅王陂在縣西北四十里積水之區西鄰蔡家岡東接洪義溝
乾隆二十七年知縣董豐垣督濬道光九年知縣王德瑛復濬
今淤

董豐垣記

羅王塚陂在縣西北四十里塚西爲蔡家岡與鄆陵接壤西
高東下藉以障鄆陵三十六陂之水者皆此岡爲之橫亘也
塚東有舊渠達馬家河以入惠民河扶人洩水之所也康熙
五十四年生員秦顯祖借開羅王陂爲名逼近禁岡開挖新
河控經開封府孫詳據扶西兩縣勘明舊渠在於塚東顯祖
私挖新河在於塚西議押顯祖將新河堵塞舊渠疏通嗣後
再有逼岡開河貽害扶民者照故決河防律定擬等因奉布
政使牟批飭勒石永禁在案乾隆二十七年邑民王廷周等
以舊渠淤塞呈請疏通本縣親詣履勘斷以羅王塚爲界塚
東舊渠仍聽疏通以資宣洩塚西毋許私挖尺寸以
杜上游之水仍於塚旁勒石永禁遂書此以爲記

扶溝縣志

卷之三

湖陂

六

黃河故道縣東北五十里崔橋之西先是河出汴南潰流漫衍
境內半爲漁鄉明宏治二年河復北徙遂爲墾田

渦河故道按水經陰溝始亂葭蕩終別於沙渦水出焉又云渦
水受沙於扶溝逕大扶城西而下東流馬做陂由鹿邑東入亳
縣半坡塚至城西北合黃流至懷遠入淮夫陰溝卽葭蕩渠一
名通濟渠皆汴水別名在古浚儀地今祥符是也此卽會眾水
以通漕運者爲渦爲沙蔡皆自此別出所稱逕大扶城今柏子
岡是也其東尙有渦河之跡

浪蕩渠渦水沙水蔡水

漢志扶溝注渦水首受狼湯渠東至向入淮過郡三行千里

師古曰很音浪湯音徒浪反渦音戈又音瓜說文渦作過過水受淮陽扶溝浪湯渠東入淮集韻作浪蕩水經作蕩蕩困學紀聞作浪渚一也今渦水在安徽鳳陽府懷遠縣入淮其上流詳見水道提綱等書非漢志說文水經舊迹矣說文沙水散石也從水少水少沙見楚東有沙水沙音蔡水少沙見釋文字會意楚東沙水句別是水名一義正指此水言非謂水少沙見乃名沙水也水經注亦誤引之渦音瓜本近沙沙音蔡者古音沙讀爲娑娑蔡音近蔡河沙水渦水皆一水也

雙洎故道自鄆陵彭祖店迤邐而東至孟亭劉家堰北入境迤

蓮花池雙營轉折而南又東會馬家河過高八橋下與惠民河

同流

涓水故道按水經涓水出密縣西南陽城山東過新鄭南澮水

卽溱水從西北來注之又東南過長社縣北由鄆陵迤邐桐邱城

扶溝縣志

卷之三

諸河故道

充

西又南迤新汲故城北石適爲濩陂迤邐匡城南左迤爲鴨子陂

謂之大穴口又東南過茅城邑之東北今此水爲雙洎流迤縣

北而西南之故道已漚

水經注云涓水至長社東南分爲二水一水北注流沙卽康

溝水一水東迤許昌縣東入汝倉城迤隱陵縣故城南東南

迤桐邱又東迤新汲故城北又迤匡城南又東南迤涓陽故

城南此涓水故道也今自長葛縣東十里東下迤邐經南八

里大隧山南延秀岡之側至故縣西南屈而南行至瓦屋東

又南屈而東行經陳白店後東北迤邐入鄆陵界與今涓河

合乃其故迹父老不知以爲古汴河楊帝所開者按楊帝開

記所記汴道卽古渠水故道也在滎陽中牟陳留諸縣不在

涓南其爲涓之故道無疑矣但所云汝倉等城不知的在何

處耳今有蕃糧城在瓦屋西北故河之西疑卽汝倉城而隱

陵桐邱二城則不可考矣今涓水至長葛東屈而北流者乃

古康溝故迹至向城東南又出康溝南去耳其自常家灣至

石橋唐家橋海村蔡家莊彭祖店東人扶溝者又宋元時消
不故道也宏治九年河決栗家口乃始南行逕習陽東南去
矣

河利弊說

呂陽桐邑人

扶處之尾閭密邇黃河自黑堽渡以西黃河凡有决溢無
不重被其災者然或數十年而一决或十餘年而一决其災
非每歲有也扶之所最苦而每歲爲患者莫甚於惠民雙洎
與太溝諸水惠民河發源於五龍口萃於京水湖合滎陽鄭
州中牟祥符南境之水總匯於朱仙鎮而爲惠民餘無爲惠
民分流之水也雙洎河發源於鷄洛塢與陽城山逕密新長
石鄆陵受數十泉壑以大於扶餘無爲雙洎分流之水也惠
民雙洎萃數十邑之水由韓家橋合流南入於沙而韓家橋
以下之河身廣狹淺深與上游等其不能容明矣夏秋之交
沙水盛漲下流之入沙不利上游之泉壑爭相挹注兼之士
性鬆薄隄岸不固勢不致於潰决不已潰决無論東西岸扶
人固重受其害而西華北境亦因之無秋此固兩邑之民亟
望拯救而關心民瘼之仁人君子所必不忍坐視者也光緒

扶溝縣志

卷之三

諸河故道

三

已丑奏請挑濬惠民雙洎皆事疏通而合流之下游竟未稍
施畚鍤焉導其源不暢其流故近歲之患更甚於昔日且其
患尤不始於合流也北來之惠民其源也遠其源也緩其漲
也恒十數日不落故易於潰决西來之雙洎其源多山泉之
水一值霖雨濁浪澎湃挾泥沙俱下故易於漫溢决溢之患
比歲皆然比河皆然其不能堪明矣且其患尤不止於惠民
雙洎也已西北之水患昔莫甚於牛截河今莫甚於太溝河
太溝河上承尉氏諸陂水逆入惠民惠民漲不能受勢必潰奔
南下合老鴉林諸陂之水惟賴洪義溝有以洩之洪義溝又
復淤塞無跡既無所歸不得不漫衍橫流而永昌老鴉林孟
亭諸地方爲沼矣至兩溝之爲患於西南近年稍減功資利
導昔鄆之掘黃南岡也扶人爭之扶之開張單口也華人爭
之今者扶受鄆掘水之害而不能與鄆爭華受扶决口之害
而不能與扶爭然則如之何而可也夫不窮則不變不變則
不通欲免太溝鵝林之害非開渠導大雙洎不可欲免惠民
由故道也然則導雙洎出境之時華人不依舊阻之乎曰導
爲功捷也然則導雙洎出境之時華人不依舊阻之乎曰導

雙泊爲扶亦爲華也華人獨不知一勞永逸爲計之上乎總
之一年之計莫如修堤總十年之計莫如濬河身籌百年之
利事半而功倍者莫如開故道以分水勢否則盛漲而始爲
謀既決而徐議塞其爲害無窮期矣